



I N F O R M A C I J A
O PODNESENIM IZVJEŠTAJIMA O PROMETU POSEBNOG RAČUNA
ZA FINANSIRANJE IZBORNE KAMPANJE ZA LOKALNE IZBORE 2024. GODINE
(IZVJEŠTAJ TRI DANA PRIJE DANA ODRŽAVANJA IZBORA)

U skladu sa odredbama člana 15.1d Izbornog zakona Bosne i Hercegovine („Službeni glasnik BiH“, broj 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22, 67/22 i 24/24) i člana 12. stav (3) Zakona o finansiranju političkih stranaka („Službeni glasnik BiH“ broj 95/12 i 41/16) sve političke stranke i nezavisni kandidati koji su učestvovali na Lokalnim izborima 2024. godine, imali su obavezu da tri dana prije dana održavanja izbora Centralnoj izbornoj komisiji Bosne i Hercegovine podnijeti izvještaj o prometu posebnog računa za finansiranje izborne kampanje.

Izvještaj sadrži sve izvore novčanih i nenovčanih donacija, datum i iznos takve uplate; izvještaj o svim troškovima (rashodima) izborne kampanje, kao i računima dobavljača i izvršilaca usluga, s ažuriranim podacima do dana podnošenja izvještaja.

Političke stranke i nezavisni kandidati bili su u obavezi da izvještaj o prometu posebnog računa za finansiranje izborne kampanje podnesu 03.10.2024. godine. Izvještaj obuhvata period od dana podnošenja prijave za ovjeru za izbore do 02.10.2024. godine.


Centralna izborna komisija Bosne i Hercegovine je ovjerala 116 političkih stranaka koje su na Lokalnim izborima 2024. godine učestvovala samostalno ili u koalicijama sa drugim političkim strankama (110 stranaka je učestvovalo samostalno i šest političkih stranaka samo u okviru koalicija). (*Prilog 1*)

Za učešće na Lokalnim izborima 2024. godine ovjereno je 189 nezavisnih kandidata, od kojih se 70 kandidata nalazilo na listama nezavisnih kandidata, dok su 43 kandidata učestvovala na izborima kao nacionalna manjina. (*Prilog 1.1*)

U skladu sa navedenim, 116 političkih stranaka i 189 nezavisnih kandidata su bili obavezni tri dana prije dana održavanja izbora, odnosno 03.10.2024. godine Centralnoj izbornoj komisiji Bosne i Hercegovine podnijeti izvještaj o prometu posebnog računa za finansiranje izborne kampanje.


Centralnoj izbornoj komisiji Bosne i Hercegovine izvještaj o prometu posebnog računa za finansiranje izborne kampanje je podnijelo 111 političkih stranaka u elektronskoj formi putem aplikacije FI CIK BiH i putem e-maila, kako je propisano u članu 3. stav (3) Pravilnika o predizbornim i postizbornim finansijskim izvještajima i izvještajima o prometu posebnog računa za finansiranje izborne kampanje političkih stranaka („Službeni glasnik BiH“, broj: 31/24). (*Prilog 2*).

Finansijski izvještaj nije podnijelo pet (5) političkih stranaka što čini 4,31 % od ukupnog broja stranaka koje su bile obavezne podnijeti izvještaj. (*Prilog 3*)



Grafički prikaz podnesenih finansijskih izvještaja od strane političkih stranaka

Od ukupno 189 nezavisnih kandidata koji su ovjereni za učešće na izborima, izvještaj o prometu posebnog računa za finansiranje izborne kampanje je podnijelo 157 kandidata (*Prilog 2.1*), dok izvještaj nisu podnijela 32 kandidata (*Prilog 3.1*), što čini 16,93 % od ukupnog broja nezavisnih kandidata koji su bili obavezni da podnesu izvještaj.



Grafički prikaz podnesenih finansijskih izvještaja od strane nezavisnih kandidata


U svojim finansijskim izvještajima 80,18% političkih stranaka je prijavilo troškove izborne kampanje, dok 19,82 % stranaka nije prijavilo ove troškove.

Od 111 političkih stranaka koje su Centralnoj izbornoj komisiji Bosne i Hercegovine podnijele izvještaj, 89 stranaka je iskazalo troškove izborne kampanje u ukupnom iznosu od 8.274.925,93 KM. U izvještajima 22 političke stranke, nisu iskazani nikakvi troškovi izborne kampanje. (*Prilog 4*) i (*Prilog 5*).

Od ukupno 157 nezavisnih kandidata koji su podnijeli finansijski izvještaj, troškove izborne kampanje je iskazao 41 nezavisni kandidat u ukupnom iznosu od 78.790,18 KM. Troškove izborne kampanje u svojim finansijskim izvještajima nije iskazalo 116 nezavisnih kandidata. (*Prilog 4*) i (*Prilog 5.1*).

Struktura troškova izborne kampanje političkih stranaka, koje su podnijele izvještaj o prometu posebnog računa za finansiranje izborne kampanje.


Vrsta troška	Iznos	Struktura
Troškovi štampanja plakata i plakatiranja	2.833.197,71	34,44 %
Troškovi oglašavanja u štampanim i el. medijima	2.601.964,80	31,44 %
Troškovi internet oglašavanja	382.596,89	4,62 %
Troškovi organizacije i održavanja predizbornih skupova	335.270,95	4,05 %
Troškovi štampanja, umnožavanja i slanja predizb. materijala biračima	1.048.816,22	12,67 %
Ostali troškovi propagande	1.073.079,36	12,97 %
UKUPNO	8.274.925,93	100,00%



Grafički prikaz strukture troškova izborne kampanje političkih stranaka

Struktura troškova izborne kampanje nezavisnih kandidata, koji su podnijeli izvještaj o prometu posebnog računa za finansiranje izborne kampanje

Vrsta troška	Iznos	Struktura
Troškovi štampanja plakata i plakatiranja	15.087,03	20,06 %
Troškovi oglašavanja u štampanim i el. medijima	8.944,68	11,35 %
Troškovi internet oglašavanja	10.883,51	13,81 %
Troškovi organizacije i održavanja predizbornih skupova	10.402,71	13,20 %
Troškovi štampanja, umnožavanja i slanja predizb. materijala biračima	18.164,41	23,05 %
Ostali troškovi propagande	14.587,84	18,51 %
UKUPNO	78.790,18	100,00%



Grafički prikaz strukture troškova izborne kampanje nezavisnih kandidata

Uporedni pregled troškova izborne kampanje u periodu 2006. - 2024. godine

IZBORI	Ostvareni troškovi izborne kampanje
Opći izbori 2006	8.236.564,58
Lokalni izbori 2008	8.156.606,92
Opći izbori 2010	10.423.425,31
Lokalni izbori 2012	6.994.309,42
Opći izbori 2014	8.632.256,37
Lokalni izbori 2016	7.004.404,78
Opći izbori 2018	9.577.347,57
Lokalni izbori 2020	5.522.686,13
Opći izbori 2022	11.338.397,91
Lokalni izbori 2024 - prema izvještaju 3 dana prije dana održavanja izbora	8.274.925,93

U svojim finansijskim izvještajima 54,05% političkih stranka je iskazalo priloge fizičkih i pravnih lica, dok 45,95 % stranaka nije iskazalo ovu vrstu prihoda.

Od 111 političkih stranaka koje su Centralnoj izbornoj komisiji Bosne i Hercegovine podnijele finansijski izvještaj, 60 stranaka je iskazalo priloge i to: novčane priloge fizičkih lica u iznosu od 2.227.842,99 KM, novčane priloge pravnih lica u iznosu od 359.056,68 KM i nenovčane donacije u iznosu od 118.544,58 KM. (*Prilog 6*)

Od ukupno 157 nezavisnih kandidata koji su podnijeli finansijski izvještaj, priloge fizičkih i pravnih lica je iskazalo 68 nezavisnih kandidata, dok 89 kandidata nije iskazalo nikakve priloge.

Nezavisni kandidati su u svojim finansijskim izvještajima iskazali novčane priloge fizičkih lica u iznosu od 107.096,28 KM, novčane priloge pravnih lica u iznosu od 5.420,00 KM i nenovčane donacije u iznosu od 3.660,72 KM. (*Prilog 6.1*)

Sastavni dio ove informacije su tabele, koje se nalaze u prilogu.

PRILOZI:

- Prilozi 1. i 1.1. Spisak političkih stranaka i nezavisnih kandidata koji su ovjereni za učešće na Lokalnim izborima 2024. godine
- Prilozi 2. i 2.1. Spisak političkih stranaka i nezavisnih kandidata koji su podnijeli izvještaj o prometu posebnog računa za finansiranje izborne kampanje
- Prilozi 3. i 3.1 Spisak političkih stranaka i nezavisnih kandidata koji nisu podnijeli izvještaj o prometu posebnog računa za finansiranje izborne kampanje
- Prilog 4. Ukupno prijavljeni troškovi izborne kampanje – Lokalni izbori 2024. godine
- Prilozi 5. i 5.1. Struktura prijavljenih troškova izborne kampane – Lokalni izbori 2024. godine
- Prilozi 6. i 6.1. Novčane i nenovčane donacije fizičkih i pravnih lica za finansiranje troškova izborne kampanje – Lokalni izbori 2024. godine